

AUGLÝSING

um flokkun vöru og þjónustu vegna vörumerkja.

1. gr.

Gildissvið.

Í samræmi við 16. gr. laga nr. 45/1997 um vörumerki, með síðari breytingum og ákvæði Nice-samningsins frá 15. júní 1957 um alþjóðlega flokkun vöru og þjónustu vegna skráningar vörumerkja, með síðari breytingum, gildir eftirfarandi flokkaskrá fyrir vörur og þjónustu vegna skráningar vörumerkja. Flokkaskráin er birt sem fylgiskjal með auglýsingu þessari.

Flokkaskráin er í samræmi við 11. útgáfu alþjóðlegu skrárinnar um flokkun vöru og þjónustu við skráningu vörumerkja samkvæmt Nice-samningnum sem tók gildi 1. janúar 2017 og þær breytingar sem átt hafa sér stað frá þeim tíma. Flokkaskráin er uppfærð með rafrænum hætti um hver áramót.

2. gr.

Breytingar þann 1. janúar 2019.

Eftirfarandi breytingar eru gerðar á íslenskri þýðingu á yfirskriftum flokkaskrárinnar frá og með 1. janúar 2019.

Flokkur 9 orðast svo: Búnaður og tæki til notkunar við vísindi, rannsóknir, leiðsögu, landmælingar, ljósmyndun, kvikmyndatöku og -sýningar, hljóð- og myndmiðlun, ljósfræði, vigtun, mælingar, merkjasendingar, greiningar, prófanir, eftirlit, björgun og kennslu; búnaður og tæki til að leiða, kveikja og slökkva á, breyta, safna, stilla eða stjórna dreifingu eða notkun á rafmagni; búnaður og tæki til að taka upp, miðla, afrita eða vinna hljóð, myndefni eða gögn; upptekið og niðurhalanlegt efni, tölvuhugbúnaður, auðir, stafrænir eða hliðrænir gagnamiðlar til upptöku og geymslu; vélbúnaður fyrir mynstyrð tæki; búdarkassar, reiknivélar; tölvur og tölvuþartæki; köfunarbúningar, köfunargrímur, eyrnatappar fyrir kafara, nefklemmur fyrir kafara og sundfólk, hanskar fyrir kafara, öndunarbúnaður fyrir kafsund; slökkvitæki.

Flokkur 11: Á eftir orðinu „hitun“ kemur: kælingu.

Flokkur 15: Á eftir tilgreiningunni „Hljóðfæri“ kemur: nótnastatíf og hljóðfærastandar; tónsprotar fyrir hljómsveitarstjóra.

Flokkur 19: Tilgreiningin „Byggingarefni (ekki úr málm)“ verður: Efniviður, ekki úr málm, til bygginga og mannvirkjagerðar. Á eftir orðinu „bik“ kemur: tjara.

Flokkur 26: Á eftir tilgreiningunni „Blúndur“ kemur: fléttuborðar. Á eftir tilgreiningunni „útsaumur“ kemur: og ofnir borðar og slaufur.

Flokkur 27: Á eftir tilgreiningunni „veggklæðningar“ kemur: ekki ofnar.

Flokkur 29: Á eftir tilgreiningunni „mjólk“ kemur: ostur, smjör, jógúrt og aðrar mjólkurafurðir.

Flokkur 30: Á eftir tilgreiningunni „hrísgrjón“ kemur: pasta og núðlur. Á eftir tilgreiningunni „sælgæti“ kemur: súkkulaði; ís, frauðís og annar ís til matar. Á eftir tilgreiningunni „salt“ kemur: kryddblöndur, krydd, rotvarðar jurtir. Á eftir tilgreiningunni „sósur“ kemur: og aðrir bragðbætar.

Flokkur 32: Á eftir tilgreiningunni „Bjór“ kemur: óáfengir drykkir. Á undan tilgreiningunni „efni til drykkjagerðar“ bætist við: óáfeng.

Flokkur 33: Svigi utan um „nema bjór“ fellur brott. Við bætist tilgreiningin: áfeng efni til drykkjagerðar.

Flokkur 34: Á eftir tilgreiningunni „Tóbak“ kemur: og tóbakslíki; sigarettur og vindlar; rafrettur (veipur) og innúðatæki fyrir reykingafólk.

3. gr.

Leiðréttingar.

Eftirfarandi leiðréttingar eru gerðar á þýðingum í yfirskriftum eftirtalinna flokka:

1. Flokkur 11: Í stað „vatns- og hreinlætislagir“ kemur: vatnsveitu og hreinlæti.
2. Flokkur 27: Tilgreiningin „veggklæðning“ verður: veggklæðningar.
3. Flokkur 34: Tilgreiningin „reykingamenn“ verður: reykingafólk.

4. gr.

Nánari tilgreining á yfirskriftum flokka við endurnýjun vörumerkja.

Í samræmi við ákvörðun Einkaleyfastofunnar um þrengri túlkun á yfirskriftum flokkaskrárinnar frá 1. janúar 2014, er heimilt við fyrstu endurnýjun merkis eftir það tímamark að tilgreina nánar þá vöru og/eða þjónustu sem merki er skráð fyrir. Tilgreining skal vera í samræmi við þá útgáfu alþjóðlegu flokkaskrárinnar sem er í gildi hverju sinni. Útvíkkun á vernd er ekki heimil. Ef ekki er óskað eftir endurflokkun stendur vöru- og/eða þjónustulisti óbreyttur.

Við endurflokkun þá sem heimil er skv. 1. mgr. skal þess gætt að tilgreiningar séu skýrar og nákvæmar. Leitast skal við að velja einungis þær tilgreiningar sem varða starfsemi eiganda.

Það er á ábyrgð eigenda eða umboðsmanna þeirra að tilgreina nánar vöru og/eða þjónustu við endurnýjun í samræmi við ákvæði þetta. Telji Einkaleyfastofan tilgreiningar ekki fullnægjandi er veittur frestur til að lagfæra umsóknina í samræmi við 2. mgr. 27. gr. laga nr. 45/1997 um vörumerki.

5. gr.

Gildistaka og brottfall.

Auglýsing þessi gildir frá og með 1. janúar 2019. Jafnframt fellur úr gildi auglýsing um flokkun vöru og þjónustu vegna vörumerkja nr. 1094/2017 ásamt breytingu án henni nr. 167/2018.

Atvinnuvega- og nýsköpunarráðuneytinu, 4. desember 2018.

F. h. ferðamála-, iðnaðar- og nýsköpunarráðherra,

Ingvi Már Pálsson.

Daði Ólafsson.

Fylgiskjal.**Skrá um flokkun vöru og þjónustu.****I. Vörur.**

1. Efni til nota í iðnaði, við vísindastörf og ljósmyndun sem og í landbúnaði, garðrækt og skógrækt; óunnin gervikvoða, óunnar plastvörur; slökkvi- og eldvarnarefni; efnablöndur til herslu og lóðunar; efni til sútunar á dýraskinnnum og -húðum; lím- og bindiefni til nota í iðnaði; kítí og önnur fyllingarefni; molta, áburður, gróðuráburður; líffræðilegar efnablöndur til nota í iðnaði og vísindum.
2. Málning, gljávöða (fernís), lakk; ryðvarnarefni og fúavarnarefni; litarefni, litunarefni; blek til prentunar, merkingar og fyrir leturgröft; óunnin náttúruleg kvoða; málmþynnur og málmduft til nota við málun, skreytingar, prentun og listsköpun.
3. Ólyfjabættar feegrunar- og snyrtivörur; ólyfjabættar tannhirðuvörur; ilmvrur, ilmolíur; bleikiefni og önnur efni til að nota við fataþvott; efni til að nota við ræstingu, fægingu, hreinsun og slípun.
4. Olíur og feiti til iðnaðar, vax; smurolíur; raka- og rykbindiefni; brennsluefni og ljósmeti; kerti og kveikir til lýsingar.
5. Lyf og lyfjablöndur til lækninga fyrir menn og dýr; efnablöndur til hreinlætisnota í læknisfræðilegum tilgangi; sérfaði og næringarefni fyrir menn og dýr, barnamatur; fæðubótarefni fyrir menn og dýr; plástrar, sárabindi; tannfyllingarefni, vax til tannsmíða; sótthreinsiefni; efni til að eyða meindýrum; sveppaeyðir, illgresiseyðir.
6. Ódýrir málmur og blöndur úr þeim, málmgrýti; byggingar- og smíðaefni úr málm; færanlegar byggingar úr málm; strengir og vírar úr ódýrum málmum, ekki til rafmagnsnota; smáhlutir úr málm; málmilát til geymslu eða flutninga; öryggisskáp.
7. Vélar, smíðavélar, orkuknúnar vélar; hreyflar og vélar, þó ekki landfarartæki; vélatengsli og drifbúnaður, þó ekki landfarartæki; landbúnaðarvélar, aðrar en handknúin handverkfæri; klakvélar (útungunarvélar); sjálfsalar.
8. Handverkfæri og handknúin tól; hnífapör; beltisvopn, þó ekki skotvopn; rakvélar.

9. Búnaður og tæki til notkunar við vísindi, rannsóknir, leiðsögu, landmælingar, ljósmyndun, kvikmyndatöku og -sýningar, hljóð- og myndmiðlun, ljósfræði, vigtun, mælingar, merkjasendingar, greiningar, prófanir, eftirlit, björgun og kennslu; búnaður og tæki til að leiða, kveikja og slökkva á, breyta, safna, stilla eða stjórna dreifingu eða notkun á rafmagni; búnaður og tæki til að taka upp, miðla, afrita eða vinna hljóð, myndefni eða gögn; upptekið og niðurhalanlegt efni, tölvuhugbúnaður, auðir, stafrænir eða hliðrænir gagnamiðlar til upptöku og geymslu; vélbúnaður fyrir myntstýrð tæki; búdarkassar, reiknivélar; tölvur og tölvujaðartæki; köfunarbúningar, köfunargrímur, eyrnatappar fyrir kafara, nefklemmur fyrir kafara og sundfólk, hanskar fyrir kafara, öndunarbúnaður fyrir kafsund; slökkvitæki.
10. Tæki og búnaður til skurðlækninga, lyflækninga, tannlækninga og dýralækninga; gervilimir, -augu og -tennur; hlutir til bæklunarlækninga; þráður til að sauma saman sár; lækninga- og hjálpartæki ætluð fötludum; nuddtæki; búnaður, tæki og hlutir til umönnunar ungbarna; búnaður, tæki og hlutir til kynlífsathafna.
11. Tæki og búnaður fyrir lýsingu, hitun, kælingu, gufuframleiðslu, matseld, þurrkun, loftræstingu, vatnsveitu og hreinlæti.
12. Farartæki; tæki til flutninga á landi, í lofti eða á legi.
13. Skotvopn; skotfæri og skot; sprengiefni; flugeldar.
14. Góðmálmar og blöndur úr þeim; skartgripir, eðalsteinar og hálfedalsteinar; klukkur og tæki til tímamælinga.
15. Hljóðfæri; nótnastatif og hljóðfærastandar; tónsprotar fyrir hljómsveitarstjóra.
16. Pappír og pappi; prentað mál; bókbandsefni; ljósmyndir; ritföng og skrifstofuvörur, þó ekki húsgögn; bréflím og lím til heimilisnota; teiknivörur og vörur fyrir listamenn; málingarpenslar; fræðslu- og kennslugögn; plastþynnur, -filmur og -pokar til umbúða og pökkunar; leturstafir, myndmót.
17. Óunnið og hálfunnið gúmmi, togleður (gúttaperka), gúmkvoða, asbest, gljásteyn og efni sem komið geta í staðinn fyrir þau; hálfunnið þanið plast og kvoða til iðnaðarnota; efni til hvers konar þéttingar eða einangrunar; sveigjanlegar pípur, rör og slöngur sem ekki eru úr málm.
18. Leður og leðurlíki; skinn og húðir dýra; farangurs- og handtöskur; regnhlífir og sóhlífir; göngustafir; svipur, aktygi og reiðtygi; hálsólar, taumar og fatnaður fyrir dýr.
19. Efniviður, ekki úr málm, til bygginga og mannvirkjagerðar; ósveigjanlegar pípur í byggingar, ekki úr málm; asfalt, bik, tjara og malbik; færanlegar byggingar, ekki úr málm; minnisvarðar, ekki úr málm.
20. Húsgögn, speglar, myndarammar; ílát, ekki úr málm, til geymslu eða flutninga; óunnin eða hálfunnin bein, horn, hvalabein eða perlumóðir; skeljar; sæfrouð; raf.
21. Heimilis- eða eldhúsáhöld og ílát; eldhús- og borðbúnaður, nema gafflar, hnífar og skeiðar; greiður og svampar; burstar, nema málningarpenslar; efni til burstagerðar; hlutir sem notaðir eru til ræstingar; óunnið eða hálfunnið gler, þó ekki gler í byggingar; glervörur, postulín og leirvörur.
22. Kaðlar og seglgarn; net; tjöld og yfirbreiðslur; ofnir segldúkar eða úr gerviefnum; segl; sekkir til flutninga og geymslu efna í lausri vigt; bólstrunar-, fylliefni og tróð, nema úr pappír, pappa, gúmmi eða plasti; óunnin efni úr þræði til vefnaðar og efni sem komið geta í stað þeirra.
23. Garn og þráður til vefnaðar.
24. Vefnaður og efni sem komið geta í staðinn fyrir vefnað; lín til heimilisnota; ofin gluggatjöld eða úr plasti.
25. Fatnaður, skófatnaður, höfuðfatnaður.
26. Blúndur, fléttuborðar og útsaumur og ofnir borðar og slaufur; hnappar og tölur, krókar og lykkjur, þrjónar og nálur; gerviblóm; hárskraut; gervihár.
27. Teppa, mottur, gólfdukar og annað efni til að leggja á gólf; veggklæðningar, ekki ofnar.
28. Leikspil, leikföng og hlutir til leikja; skjáleikjabúnaður; leikfimi- og íþróttavörur; jólatrésskraut.
29. Kjöt, fiskur, alifuglar og villibráð; kjötkraftur; niðursoðnir, frosnir, þurrkaðir og soðnir ávextir og grænmeti; ávaxtahlaup, -sultur og -grautar; egg; mjólk, ostur, smjör, jógúrt og aðrar mjólkurafurðir; olíur og feiti til matar.
30. Kaffi, te, kakó og gervikaffi; hrísgrjón, pasta og núðlur; tapíókamjöl og sagógrjón; mjöl og matvörur úr korni; brauð, sætabrauð og sælgæti; súkkulaði; ís, frauðis og annar ís til matar; sykur,

hunang, síróp; ger, lyftiduft; salt, kryddblöndur, krydd, rotvarðar jurtir; sinnep; edik, sósur og aðrir bragðbætar; ís (frosið vatn).

31. Hráar og óunnar landbúnaðar-, lagareldis-, garðræktar- og skógræktarafurðir; hrátt og óunnið korn og fræ; ferskir ávextir og grænmeti; ferskar kryddjurtir; lifandi plöntur og blóm; blómlaukar, kímplöntur og fræ til gróðursetningar; lifandi dýr; dýrafóður og drykkjavörur ætlaðar dýrum; malt.
32. Bjór; óáfengir drykkir; ölkelduvatn, gosdrykkir; ávaxtadrykkir og ávaxtasafar; þykni og önnur óáfeng efni til drykkjargerðar.
33. Áfengir drykkir nema bjór; áfeng efni til drykkjargerðar.
34. Tóbak og tóbakslíki; sígarettur og vindlar; rafrettur (veipur) og innúðataeki fyrir reykingafólk; hlutir fyrir reykingafólk; eldspýtur.

II. Þjónusta.

35. Auglýsingastarfsemi; rekstur og stjórnun fyrirtækja; skrifstofustarfsemi.
36. Tryggingastarfsemi; fjármálastarfsemi; gjaldmiðlaviðskipti; fasteignaviðskipti.
37. Byggingastarfsemi; viðgerðir; uppsetninga- og lagnaþjónusta.
38. Fjarskipti.
39. Flutningar; pökkun og geymsla vöru; ferðaþjónusta.
40. Meðferð efna.
41. Fræðsla; þjálfun; skemmtistarfsemi; íþróttar- og menningarstarfsemi.
42. Vísinda- og tækniþjónusta og rannsóknir og hönnun í tengslum við það; rannsóknar- og greiningarþjónusta á sviði iðnaðar; hönnun og þróun tölvubúnaðar og tölvuhugbúnaðar.
43. Veitingaþjónusta; tímabundin gistipjónusta.
44. Læknisþjónusta; dýralæknisþjónusta; fegrunar- og snyrtipjónusta fyrir menn eða dýr; þjónusta við landbúnað, garðyrkju og skógrækt.
45. Lögfræðiþjónusta; öryggisþjónusta til líkamlegrar verndar einstaklingum og til verndar áþreifanlegum eignum; persónu- og félagsleg þjónusta í þágu einstaklinga.